



Universitätsbibliothek Paderborn

**D. Bernardi Primi Clarævallensis Abbatis, Ordinis
Cisterciensium Antesignani, melliflui Ecclesiæ Doctoris
Sermones In Dominicas & Festa per annum**

Bernardus <Claraevallensis>

XLII. De quinque negotiationibus & quinque regionibus.

urn:nbn:de:hbz:466:1-39254

¶ Psal. 56. a

¶ 1. Cor. 2. b

¶ Rom. 10. a

¶ Sap. 8. a

† Confessio
ermonis de
S. Nicolao,
Rom. 5.

Matt. 11. d

aliud dicere possumus, nisi quia *gloriosa dicta sunt de te civitas Dei.* Ibi sunt delectationes illæ, quas oculus non vidit, nec auris audivit, nec in cor hominis ascenderunt, quæ præparavit Deus diligentibus se ^f. In sinistra tribulationes, in dextera delectationes. Usquequæ autem? *Vsque in finem.* Quis est iste finis? Finis ad justitiam; Christus omni credenti ^u: finis ille de quo Sapiens dixit ^x: *Attingit à fine usque ad finem fortiter, & disponit omnia suaviter.* Deum enim cernere, finis est consummatus. Ipse est finis, ad quem cum venerimus, nihil amplius sitiemus: Jesus Christus sponsus Ecclesie, qui est benedictus in secula, Amen.

De quinque Negotiationibus, & quinque Regionibus †.

S E R M O LXII.

Negociamini dum venio. Lucæ 19. c

Verbum Patris, Unigenitus Dei, Sol justitiae, summus ille negotiator, de ultimis cœlorum finibus nostræ redemptionis præcium apportavit. Fidelis ista negotiatio & omni acceptione dignissima, in qua Rex filius Regis efficitur negotiatio, aurum pro plumbo tribuitur, pro peccatore donatus est justus. O quam indebita miseratione, quam gratuita & sic probata dilectione, quam inopinata dignatio, quam stupenda dulcedo, quam invicta mansuetudo, quam vilis negotiatio, ubi filius Dei pro servo traditur, pro creatura Creator occiditur, pro mancipio Dominus condemnatur! Tua sunt hæc Christe opera, qui de lumine cœli ad tenebras inferni: à dextra maiestatis ad miseriam humanitatis; à gloria Patris ad mortem crucis descendisti: infernum illustrando, hominem redimendo, superando mortem, & mortis auctorem. Unus es, & secundum non habes: quem ad nos redimendum propria benignitas invitavit: misericordia traxit: veritas qua te venturum promiseras, compulit; puritas uteri virginalis suscepit; talya virginitatis integritate potentia eduxit; obedientia in omnibus deduxit; patientia armavit; charitas verbi & miraculis manifestavit. Absint procul negotiatores terræ Themam, recedant filii Agar, qui exquisierunt prudenteriam; elongentur à me gigantes è seculo nominati, qui ab initio fuerunt statuta magna, scientes bellum. Non hos elegit Dominus, neque viam disciplinæ meruerunt, propterea perierunt: sed dedit eam Jacob puero suo, & Israel dilecto suo. Abscondisti epim hæc Domine sapientibus & prudentibus, gigantibus & nominatis, qui magnificati sunt yidelicet in oculis suis, & revelasti ea parvulis & humilibus tuis ^a. Libenter amplector negotiationem tuam, quia negotium meum est. Hæc mercimonia cum summa suavitate ruminat anima mea. Non solum autem ruminat, sed & revocat ruminationem tuam: qui & intelligit quam diligit, & commendat memorie, quam elegit. In his negotiationibus præcipis esse animam meam; ut fiat

fiat navis institoris de longe portans panem suum^b. Negociabor donec ^{b Prov. 31. b} venias, venienti laetus occurram, & utinam audiam: *Euge serve bone*. Tui sunt coeli, & tua est terra, in regionibus tuis. Negotiabor igitur securus, te solum habens in itinere ducem, in periculis protectorem, confortem in tribulatione.

Regiones tuæ quinque sunt, quas perambulant ad negoziandum institores tui, ubi te querunt dilecti tui, & inveniunt electi tui. Prima regio est *regio dissimilitudinis*. Nobilis illa creatura in regione similitudinis fabricata, quia ad imaginem Dei facta, cum in honore esset, non intellexit; & de similitudine ad dissimilitudinem descendit. Magna prorsus dissimilitudo, de paradiſo ad infernum, & de angelo ad jumentum, de Deo ad diabolum. Execranda conversio, gloriam in miseriam, vitam in pugnam perpetua captivitate convertere. Maledicta descensio, de divitiis ad paupertatem, de libertate ad servitutem, & de requie ad laborem descendere. Misericordios, & miserabiliter nati: quibus datum est nasci in moerore, vivere in labore, in dolore mori: de peccatore peccatores; de debitore debitores; de corrupto corrupti; de subacto subacti; geniti & generantes: sumus gens peccatrix, populus gravis iniquitate, semen pessimum, filii scelerati, addentes prævaricationi. Ecce quasi non sumus sic sumus coram eo, quasi nihil & inane reputati, putantes nos aliquid esse cum nihil sumus. Vulnerati sumus ingredientes ^{c Esa. 40. d} mundum, conversando in mundo, exeundo de mundo, à planta pedis usque ad verticem non est sanitas in nobis. Noverat hæc ille sublimis Propheta, qui statum humanæ miseriae deplorans, in hæc verba prorupit ^d: *Grave jugum est super filios Adæ à die exitus de ventre matris eorum usque in diem sepulturæ in matrem omnium*.

In hac dissimilitudinis regione quid negotiamur Domine Deus? Aspicio genus humanum ab ortu solis usque ad occasum hujus mundi nundinas perambulare; alios divitias querere; alios honoribus inhiare; alios favoris auræ suavitate raptari. Sed quid de divitiis? Nonne cum labore acquiruntur, cum timore possidentur, cum dolore amittuntur? Thesaurizas & ignoras cui congregabis ea ^e. Vide quantum laborem pro perituris divitiis assumpsisti. Transis maria, & alium tibi orbem aperis navigando, secundū sapientem tribus digitis distans à morte, patriam fugis, relinquis parentes, divelleris ab uxore, filios nescis, & omnium necessitudinum oblitus, queris ut acquiras, acquiris ut perdas, perdis ut doleas. *Filiī hominum usque quo gravi corde? ut quid diligitis vanitatem, & queritis mendacium?* ^f Quæ est ista dementia filii Adam, circuire maria, perambulare terras, rapi extra mundum, in laboribus plurimis, in vigiliis multis, in jejuniis crebris, in motibus frequenter? Ecce quales divitiae. Sed quid de honoribus? In sublimi loco positus es, ducem te constituerunt. Vide si non à Deo judicandus es, ^{Honoribus ab ho-}

Quinque Re-
giones, & quid
in singulis nego-
ziandum.

Prima est regio
dissimilitudinis,
id est, præsens
seculum.

*Negotiationes
in hac regione
quales.*

*e Psal. 38. b
Pro Divitiis.*

f Psal. 4. a

ab hominibus spe&tandus : ab omnibus lacerandus. Si miles es , excubas ante limina principis, ut principatum acquiras , & ferrato vestitus amictu, propiores vulneri, quam honori, morti quam vitæ, periculo quam præmio. Si de sorte Domini, nonne Episcopus Romanum Pontificem, Archidiaconus vel Diaconus Episcopum pertimescit ? Vide etiam utrum excusseris manus tuas ab omni munere, ne cum Simone audias & : *Non est tibi pars neque sors in sermone isto : quia voluisti donum Spiritus sancti cum pecunia possidere.* Nihil ad nos de rectoribus Ecclesiæ judicare ; videant ipsi amici sponsi, cum de sponsa cœperit exigere rationem, qui judicat orbem terræ in æquitate. Nunquid in honore sine dolore, in prælatione sine tribulatione, in sublimitate sine vanitate esse quis potest ? Ecce quales honores. Quid autem de gloria ? Gloria tibi unde fœtide pulvis, limus terræ, vas in contumeliam ? Non tibi, non tibi, sed nomini Domini da gloriam. Illi permitte gloriam suam, qui glriosus est in sanctis suis. Illum lauda, quem laudant Angeli in cœlis. Nunquid & ipsa inanis gloria, quæ nihil aliud est quam aurum inflatio vana, quæ haberi vix potest sine invidia ? Reipice quos antecedit, & cogita quia omnibus invidiae temina præbuisti. Omnes ergo adversum te torvis luminibus inflammantur, tua felicitate torquentur, tua uruntur gloria. Ecce unde glriosus, inde odiosus : unde sublimis, inde humilis : inde sollicitus, unde securus. Vides ergo quam vanè conturbatur omnis homo ^b. Hæc sunt mercimonia, quæ inveniuntur in regione dissimilitudinis. Prudens ergo negotiator, qui videt in divitiis laborem, in honoribus poenam, invidiam in gloria, facit sarcinam suam mundi contemptum, & fugit.

g Act. 8, d

Vana gloria.

h Psal. 38, d

*Contemptum
mundi hinc
nundinare.*

*z. Regio est par-
adisus claustralis.*

Psal. 132, a

i Psal. 138.

k Genes. 32, a

*Forma vivendi
sic comparan-
ta.*

*l. Regio est regio
expiationis seu
purgatorium.*

Secunda regio est *paradisus claustralis*. Verè claustrum est paradisus, regio vallo disciplinæ munita, in qua preciosarum est mercium fœcunda fertilitas. Gloriosa res, homines unius moris habitare in domo ; bonum & jucundum habitare fratres in unum ^c. Videas illum peccata sua deflentem ; alium in Dei laudibus exultantem ; hunc hominibus ministrantem ; illum alios erudiantem ; hunc orantem ; illum legentem ; hunc miserentem ; illum peccata punientem ; hunc charitate flagrantem ; illum humilitate pollentem ; hunc in prosperis humilem ; illum in adversitate sublimem ; hunc in actiua laborantem ; illum in contemplativa quiescentem ; & poteris dicere : *Castræ Dei sunt hæc. Quam terribilis est locus iste : non est hic aliud, nisi dominus Dei, & porta cœli.* Quid tibi ergò fidelis anima in his nundinis est consecrandum ? Perambula virtutes cohabitantium in domo Domini virtutum, & fac inde sarcinam tuam, formam vivendi. Quæ prius habitas in regione umbræ mortis, transi ad regionem vitæ & veritatis.

Tertia regio est *regio expiationis*. Tria sunt loca quæ mortuorum animæ pro diversis meritis sortiuntur, *infernus, purgatorium, cœlum*. In inferno

ferno impii, in purgatorio purgandi, in cœlo perfecti. Qui in inferno sunt, ^{tionis seu Pur-}
redimi non possunt: quia in inferno nulla est redemptio. Qui in purga- ^{tiorum.}
torio sunt, expectant redemptionem, prius cruciandi, aut calore ignis,
aut rigore frigoris, aut alicuius gravitate doloris. Qui in cœlo sunt,
gaudio gaudent ad visionem Dei, Christi fratres in natura, cohæredes in
gloria, similes in æternitate jucunda. Quia igitur primi redimi non possunt,
tertii redemptione non indigent: restat, ut ad medios transeamus per com-
passionem, quibus juncti fuimus per humanitatem. Vadam in istam regio-
nem, & videbo visionem hanc grandem, quomodo pius Pater glorificandos
filios in manu tentatoris relinquat, non ad occisionem, sed ad purgationem:
non ad iram, sed ad misericordiam: non ad destructionem, sed ad instruc-
tionem: ut jam non sint vasa iræ apta in interitum, sed vasa misericordiae
præparata ad regnum. Surgam ergo in adiutorium illis, interpellabo gemi-
tibus; implorabo suspiriis; orationibus intercedam; satisfaciām sacrificio
singulari; si forte videat Dominus, & judicet, ut laborem convertat in re-
quiem, miseriam in gloriam, verbera in coronam. His enim & huiusmodi
officiis potest eorum pœnitentiā resēcari, finiri labor, destrui pœna. Per-
curre ergo quæcunque es fidelis anima regionē expiationis, & vide quid in
ea fiat & in nundinis istis fac sarcinam tuam affectum compatiendi.

Quarta regio est *regio gehennalis*. O regio dura & gravis, regio exti-
mescenda, regio fugienda; terra oblivionis, terra afflictionis, terra miseria-
rum in qua nullus ordo, sed sempiternus horror inhabitat. Locus lethifer,
in quo ignis ardens, ubi frigus rigens, vermis immortalis, fœtor intolerabi-
lis, maliti Percutientes, tenebræ palpabiles, confusio peccatorum, inundi-
tio vinculorum, horribiles dæmonum facies. Totus tremo atque horreo ad
memoriam istius regionis, & conculsa sunt omnia ossa mea. Quomodo
cecidisti Lucifer, qui mane oriebaris? Omnis lapis pretiosus operimen-
tum tuum; modò subter te sternitur tinea, & operimentum tuum vermis n.
O Deus quanta distantia inter operimentum preciosi lapidis, & operimen-
tum vermis; inter delicias paradisi, & tineam corrodentem inferni? Scio
quia paratus est ille ignis diabolo, & angelis eius o, & hominibus similibus
eius: ubi sine fine finiuntur, sine morte morientur, torquebuntur sine ces-
satione. Vivens igitur in infernum descende; percurre mentalibus oculis
tormentorum officinas, fuge scelerata & vitia, pro quibus scelerati homines
& vitiosi perierunt. Habe odio iniquitatem, & dilige legem Domini, & tam
formidolosus nundinis fac sarcinam tuam odium peccati.

Quinta regio est *paradisus super celestis*. O beata regio supernarum vir-
tutum, ubi beata Trinitas à Beatis facie ad faciem videtur; ubi illa sublimia
agmina sublimi pennarum applausu: Sanctus, Sanctus, Sanctus Dominus Deus
Sabaoth p, clamare non cessant. Locus est voluptatis, ubi torrente voluptatis

Sermones S. Bernardi,

S 1 1 1

potantur

*Tria anima-
rum post mor-
tem recepta-
cula.*

*Affectus com-
passionis hinc
sumendus.*

*4. Regio est
Regio infer-
nalis.*

*1 Esa. 14. d
m Ezech. 28. d
* Esa. 14. c*

*Odium peccati
compara.*

*5. Regio Pa-
radisus cel. tis.
p Esa. 6. a*

potantur justi. Locus splendoris, ubi justi fulgent sicut splendor firmamenti. Locus lætitiae, ubi lætitia sempiterna super capita eorum. Locus abundantiae, ubi nihil deest videntibus eum. Locus suavitatis, ubi apparet Dominus suavis universis. Locus pacis, ubi in pace factus est locus eius. Locus admirationis, ubi sunt mirabilia opera eius. Locus satietatis, ubi satiabimur cum apparuerit gloria eius. Locus visionis, ubi videbitur magna visio. O regio sublimis, plena divitiarum, de valle lachrymarum suspiramus ad te, ubi sapientia sine ignorantia, memoria sine oblivione, intellectus sine errore, ratio sine obscuritate splendebit. Regio in qua Dominus transiens ministrabit electis suis, id est tales se qualis est ostendet. Illic erit Deus omnia in omnibus, ubi rerum universitas mirabiliter ordinata dabit Creatori gloriam, lætitiam creaturæ. Curre igitur spiritualis anima oculis desideriorum per regionem istam, & vide R̄gem gloriae in decore suo gloriosum, stipatum legionibus Angelorum, Sanctorum ornatum agminibus, deponentem superbos, humiles exaltantem, damnantem dæmones, homines redimentem, & dic *q*: *Beati qui habitant in domo tua Domine, in sæcula sæculorum laudabunt te.* Cum ergò mente percepis tam preciosas nundinas, mercimonia tam præclara, construe sarcinam tuam amorem D E I. Vidisti regiones, animadvertisisti nundinas, sarcinam construxisti, & beatus es. Negociare ergò dum veniat Dominus Deus tuus, ut ei dicere possis *r*: *Domine quinque talenta tradidisti mihi, ecce alia quinque superlucratus sum, & audire merearis: Intra in gaudium Domini tui sponsi Ecclesiæ qui est benedictus in sæcula, Amen.*

S E R M O X L I I I .

De Magnanimitate, Longanimitate, & Vnanimitate.

Triplicem nobis in Ecclesia primitiva virtutem sanctus Lucas brevi sermone commendat, ubi post dominicam Ascensionem unanimiter eos in oratione perseverasse describit *a*, expectantes coelestem consolacionem cuius acceperant repromissionem. Laudabili siquidem magnanimitate pusillus grex pastoris, solatio destitutus, minimè tamen dubitans quoniam illi cura esset de eis, sed paternam pro eis gereret sollicitudinem, devotis pulsabat supplicationibus cœlum, certus quod penetrarent illud iustorum orationes, nec pauperum preces spernerentur à Domino, aut sine copiosa benedictione redirent. Sed nec sine longanimitate persistebant indificientes, juxta illud propheticum *b*: *Si moram fecerit expecta eum, quia veniens veniet & non tardabit.* Porro unanimitas quidem legitur evidenter expressa, quod hæc sola divini spiritus charismata mereatur. Neque enim est Deus dissensionis sed pacis *e*, neque habitare facit nisi unius moris in domo *d*.

*a Actor. 1. c**b Abac. 2. 2**c 1. Cor. 14.**d Psal. 67.*

Jure

*Eius felicitas & amanitas.**q Psal. 83. a
Amor D E I
hinc compa-
randus.**r Matt. 25. a*